

समे .1815

Headlines

1. खजाना मंत्री निर्मला सीतारमण होरें अज्ज एनडीए सरकार दे त्रीए कार्यकाल दा पैहला पूरा पराता बजट संसद च पेश कीता।
2. खजाना मंत्री होरें आखेआ जे नमें बजट तैहत हर ब'रे 12 लक्ख रुपे तगर दी आमदनी उपपर हुन कोई टैक्स नेई देना पौग।
3. जम्मू कश्मीर गी अगले माली ब'रे लेई 41 ज्हार करोड़ रुपे दी केन्द्री मदाद दित्ती जाग।
4. उपराज्यपाल मनोज सिन्हा होरें दलेरी भरोचे विकास, मध्यम वर्गी लोके लेई राहत ते समावेशी विकास उपपर ध्यान देने लेई बजट 2025 दी सराहना कीती ऐ।
5. मुख सचिव होरें आखेआ ऐ जे सरकार बेरोजगारी दी समस्या गी खत्म करने ते जम्मू कश्मीर दे माली ढांचे गी तगड़ा बनाने लेई होर मते युनितें दी स्थापना लेई वचनबद्ध ऐ।

<><><><><><>

Finance Minister Budget

केन्द्री खजाना मंत्री निर्मला सीतारमण होरें लोकसभा च केन्द्र बजट 2025–26 पेश कीता। बजट पेश करदे होई उनें आखेआ जे दुनिया दी बघदी अर्थबवस्थाएं च भारत दी अर्थबवस्था सारें शा मती तेजी कन्नै बघा'रदी ऐ। उनें आखेआ जे प्रस्तावित बजट च 10 व्यापक क्षेत्रें उपपर ध्यान दित्ता गेदा ऐ। इस बजट दा मकसद हर कुसै गी समावेशी विकास दी बत्ता उपपर लेई जाना ऐ। खजाना मंत्री सीतारमण होरें आखेआ जे एह बजट विकास च तेजी आन्नने लेई समर्पित ऐ ते जेहड़ा विकसित भारत दी साढ़ी आकांक्षाएं कन्नै प्रेरित ऐ। उनें आखेआ जे इस बजट दा मकसद कर, बिजली क्षेत्र, शैहरी विकास, खनन माली क्षेत्र ते नियमन सुधारें सनें 6 डोमेन्स च परिवर्तन कारी सुधारें गी शुरू करना ऐ।

<><><><><><>

PM-Budget(byte)

प्रधानमंत्री नरेन्द्र मोदी होरें आखेआ ऐ जे केन्द्र बजट 2025–26, 140 करोड़ भारत वासिएं दी आकांक्षाएं गी पूरा करने लेई सरकार दी प्रतिबद्धता गी दर्शादा ऐ। बजट दे मगरा अपने संदेश च प्रधानमंत्री होरें आखेआ जे एह बजट भारत दी विकास यात्रा च इक महत्वपूर्ण मील दा पत्थर ऐ। उनें आखेआ जे एह बजट हर भारतीय दे सुखने गी पूरा करदा ऐ। उनें इस बजट गी फोर्स मल्टीप्लेयर आखेआ ते कन्नै एह बी आखेआ जे इस बजट कन्नै मुख्य च बचत, निवेश, खपत ते विकास च बाद्धा होग

<><><><><><>

FM Budget Slabs

खजाना मंत्री निर्मला सीतारमण होरें अज्ज एनडीए सरकार दे त्रीये कार्यकाल दा पैहला पूरा-पराता बजट संसद च पेश कीता। लोकसभा च इस बजट गी पेश करदे होई खजाना मंत्री होरें ऐलान कीता जे 12 लक्ख रुपें तगर दी औदन पर हून टैक्स नेई देना पौग। पैहले एह हद्द 7 लक्ख रुपें तगर दी ही। इस्सै चाल्ली नौकरीपेशा करदाताएं गी स्टैंटडर्ड डिडक्शन 75 ज्हार रुपे करी दित्ते जाने दे चलदे 12 लक्ख 75 ज्हार रुपें तगर दी औदन उपपर टैक्स नेई देना पौग। खजाना मंत्री हुंदे आसेआ अज्ज पेश च रक्खी गेदी टैक्स सलैब दिएं दरें मूजब 4 लक्ख रुपें तगर उपपर कोई टैक्स नेई, 4 शा 8 लक्ख रुपें उपपर 5 फीसद, 8 शा 12 लक्ख रुपें उपपर 10 फीसद, 12 कोला 16 लक्ख रुपें उपपर 15 फीसद, 16 थमां 20 लक्ख रुपें दी औदन उपपर 20 फीसद टैक्स, 20 थमां 24

लक्ख रपें दी औंदन पर 25 फीसद टैक्स ते सलाना 24 लक्ख रपें शा उप्पर दी औंदन उप्पर 30 फीसद टैक्स दी बवस्था कीती गई ऐ। एहदा मतलब एह होआ जे नमीं टैक्स प्रणाली दे तैहत् 12 लक्ख रपें दी सलाना औंदन आहले व्यक्ति गी टैक्स च 80 जहार रपें दा लाह हासल होग। इससै चाल्ली 18 लक्ख रपें तगर दी औंदन आहले व्यक्ति गी टैक्स च 70 जहार रपें दा लाह होग ते 25 लक्ख रपें तगर दी औंदन आहले माहनुयै गी टैक्स च 1 लक्ख 10 जहार रपें दा लाह हासल होग। इस बारै च आकाशवाणी समाचार कन्नै गल्ल करदे होई रियासी दे इक कारोबारी नै आखेआ

<><><><><><>

Women Employment (byte)

खजाना मंत्री निर्मला सीतारमण होरें 5 लक्ख महिलाएं सने पट्टी दर्ज जाति ते जनजाति दे पैहली बारी आहले उद्यमिऐं लेई इक नमीं योजना दा ऐलान बी कीता ऐ। एहदे तैहत् अगले 5एं बरें दरान 2 करोड़ रपें तगर दे मयादी दोआर-कर्ज उपलब्ध करोआउन। सीतारमण होरें आखेआ जे भारत दे जूते ते चमड़ा खेत्तर दी उत्पादन समर्थ, गुणवत्ता ते मुकाबलेबाजी बधाने आस्तै इक केन्द्रित उत्पाद योजना गी बी लागू कीता जाहग। एहदे कन्नै मेद ऐ जे 22 लक्ख लोकें गी रोजगार दे मौके हासल होउन ते 4 लक्ख करोड़ रपें तगर दा कारोबार ते 1 लक्ख 10 जहार करोड़ रपें दे निर्यात बी होउन। इस पैहलकदमी दी सराहना करदे होई सांबा थमां इक महिला नै आखेआ

<><><><><><>

JK Budget

केन्द्र सरकारै अगले माली बरें 2025-26 लेई केन्द्र शासित प्रदेश जम्मू-कश्मीर लेई 41 जहार 7 करोड़ रपें दी बंडड दी तजवीज कीती ऐ। बजट सरबन्धी आकड़े एह दस्सा करदे न जे केन्द्री बजट च अगले माली बरें लेई जम्मू-कश्मीर गी केन्द्र सहायता च कोई बाददा नेई कीता गेआ ऐ। जम्मू-कश्मीर लेई रक्खे गेदे 41 जहार 7 करोड़ रपें चा 40 जहार 619 करोड़ 30 लक्ख रपे, संसाधनें दी बित्थ गी पूरने लेई जम्मू-कश्मीर गी केन्द्री सहायता दे तौर उप्पर रक्खे गे न। बजट सरबन्धी दस्तावेजें मूजब, केन्द्र शासित प्रदेश दे आपदा प्रतिक्रिया कोष च जोगदान लेई ग्रांट दे तौर उप्पर 2 सौ 79 करोड़ रपे ते ढांचागत परियोजनाएं लेई संसाधनें दी बित्थ गी पूरा करने लेई 101 करोड़ 77 लक्ख रपे दित्ते गे न।

<><><><><><>

LG Budget

लेफ्टिनेंट गवर्नर मनोज सिन्हा होरें विकसित भारत लेई इक बवहारिक बजट पेश करने गितै वित्ती मंत्री निर्मला सीतारमण हुंदा आभार जताया ऐ। श्री सिन्हा होरें गरीबें, नौजवानें, करसाने ते महिलाएं लेई दलेरी-भरोची विकास पैहलकदमियां करने लेई प्रधानमंत्री नरेन्द्र मोदी हुंदा बी धन्नवाद कीता। सोशल मीडिया मंच एक्स उप्पर जारी इक बयान च एलजी होरें मझाटले तबके गी लाह पुजाने आहले ऐतिहासिक टैक्स सुधारें उप्पर लोऽ पाई। उनें राई-बाई, ढांचागत विकास, एम.एस.एम.ई. ते नमिऐं काहडें बक्खी खासतौर उप्पर केन्द्रित बजट दी सराहना करदे होई विकास दी रफ्तार बधाने ते सब्बनें लेई इक-बरोबर मौके पैदा करने च एहदी भूमिका उप्पर जोर पाया ऐ।

<><><><><><>

Farmers Benefit (byte)

खजाना मंत्री निर्मला सीतारमण होरें किसान क्रेडिट कार्ड सरबन्धी ब्याज अनुदान दी हद्द गी 3 लक्ख रपें शा बधाइयै 5 लक्ख रपे करने दा ऐलान कीता ऐ जेहदे कन्नै 7 करोड़ 70 लक्ख शा मते करसानें, मच्छेरें ते डेयरी करसानें गी लाह हासल होग। सरकार, भलेआं लौहके, लौहके ते दरम्याने दर्जे दे उद्योगें यानि एम.एस.एम.ई. लेई दोआर गरंटिएं च बी बाददा करोग ते भलेआं लौहके उद्यमं लेई 5-5 लक्ख रपें दी हद्द तोहड़ी दे क्रेडिट कार्ड बी जारी करोग। एहदे अलावा प्रधानमंत्री धन-धान्य कृषि योजना नांऽ दे इक नमं राई-बाई प्रोग्राम तैहत् घट्ट

उत्पादन आहले 100 जिलें गी आहन्नेया जाह्ग जेह्दे कन्नै 1 करोड़ 70 लक्ख करसानें गी लाह् होग। इस बारै आकाशवाणी समाचार कन्नै विचार सांझे करदे होई इक मुकामी करसान नै आखेआ

<><><><><><>

Annoncement

केन्द्री बजट 2025–26 बारे आकाशवाणी दा क्षेत्रीय समाचार एकांश जम्मू कल ऐतवारें इक विशेष परिचर्चा प्रसारत करोग। 45एं मिंटे दा एह् परिचर्चा कल रातीं 8 बजे साढ़े प्राइमरी चैनल पर प्रसारित कीती जाग जेह्ड़ा तुस मीडियम वेव 303 मीटर यानि 990 किलोहर्टस एफएम 100.3 मैगाहर्टस ते ओआरएम 981 किलोहर्टस पर सुनदे हो। इस परिचर्चा च समाज दे बक्ख–बक्ख वर्गे कन्नै तालुक रखने आले माहिर बजट दे बक्ख–बक्ख पैह्लुएं पर चर्चा करगन। श्रोताओ जेकर तुंदे मने च बजट गी लेइयै कोई सोआल जा शैंका ऐ ते तुस चांहदे ओ जे ओ सोआल अस माहिरें कोला पुच्छचे, तां अपना सोआल तुस साढ़े ई–मेल rnujammu@gmail.com पर लिखियै भेजी सकदे ओ।

<><><><><><>

CS (byte)

मुख् सचिव अटल डुल्लु होरें आखेआ ऐ जे सरकार बेरोजगारी दी समस्या गी खत्म करने ते जम्मू–कश्मीर दे माली ढांचे गी तगड़ा बनाने लेई होर मते युनितें दी स्थापना लेई वचनबद्ध ऐ। एह् गल्ल उनें नमें विकसित कीते गेदे बगथाली औद्योगिक एस्टेट दा दौरा लांदे होई आखी। इस मौके पर उनें उत्थे जारी कम्में दा निरीक्षण कीता। मीडिया कन्नै गल्लबात करदे होई मुख् सचिव होरें दस्सेआ जे खित्ते लेई 28 ज्हार 400 करोड़ रुपें दे औद्योगिक पैकेज दा ऐलान कीता गेदा ऐ। उनें आखेआ

<><><><><><>